

BASES REGULADORAS DO CONCURSO LITERARIO E DE ARTES PLÁSTICAS DO DÍA DAS LETRAS GALEGAS

O Concello de Xove, consonte ao previsto na Lei 38/2003, de 17 de novembro, Xeral de Subvencións, Lei 9/2007, de 13 de xuño, de Subvencións de Galicia, e no que sexa de aplicación, os RD 887/2006, de 21 de xullo e Decreto 11/2009, de 8 de xaneiro, e ao obxecto de incentivar o uso da lingua galega e a participación cidadá nos actos programados para a celebración do día das Letras Galegas, establece as normas reguladoras de participación, as axudas económicas e dos premios que se outorgarán aos participantes que interveñan no Concurso Literario e de Artes Plásticas programado ao efecto, de acordo coas seguintes

BASES

PRIMEIRA.- DEFINICIÓN DO OBXECTO

Constitúe o obxecto das presentes bases a regulación do procedemento aplicable para o outorgamento dos premios do concurso literario e de Artes Plásticas a celebrar para conmemorar o Días das Letras Galegas, organizado polo Concello de Xove.

SEGUNDA.- REQUISITOS DOS PARTICIPANTES

Poderá participar no concurso e ser beneficiario destes premios calquer/a neno/a ou rapaz/rapaza empadroad/a no Concello de Xove en idade escolar (desde preescolar de 3 anos ata 4º de ESO)

A documentación a presentar será a seguinte:

-Ficha de inscrición establecida ao efecto

A ficha de inscrición deberá presentarse, xunto co traballo realizado na Biblioteca Municipal coa data límite que se estableza na convocatoria anual.

TERCEIRA.- NORMAS DE REALIZACIÓN DOS TRABALLOS

Todos os traballos deberán estar realizados obrigatoriamente en galego.

Os traballos deberán presentarse en folios tamaño A4, por unha soa cara, figurando no reverso dos mesmos o nome e apelidos, idade, curso e colexio ou instituto do participante.

Os traballos non poderán ocupar máis de dous folios por unha soa cara.

Calquera alumno poderá participar nas modalidades que desexe.

A. Concurso Literario

Os participantes nesta modalidade deberán ser alumnos de entre 1º de Primaria ata 4º de ESO, ambos incluídos, poderán optar libremente por:

- Realizar poesía con medida e temática libre
- Escribir un conto ou relato de temática libre
- Facer unha redacción que verse obrigatoriamente sobre a vida e/ou obra do autor ao que se adique o Día das Letras Galegas

B. Concurso de Artes Plásticas

Os participantes poderán optar libremente por:

- Realizar un debuxo de temática e composición libre
- realizar un cómic que verse obrigatoriamente sobre a vida e/ou obra do autor ao que se adique o Día das Letras Galegas.

As técnicas a empregar tanto en debuxo coma en cómic quedan a elección do autor, podendo empregarse mesmo o "collage".

CUARTA.- COMPOSICIÓN DO XURADO

O xurado estará composto por seis membros:

-Tres representantes seleccionados pola organización do concurso de entre os representantes das asociacións culturais, deportivas ou de outra índole, que consten inscritas no Rexistro Municipal de Asociacións.

-Un representante da ANPA do CEIP Pedro caselles Rollán

-Un representante do CEIP Pedro Caselles Rollán

-Un representante do IES Illa de Sarón

-Un representante do Concello de Xove, que será a Bibliotecaria municipal

Actuará como Secretario do Xurado o Técnico Municipal de Cultura e Comunicación do Concello, con voz e sin voto

QUINTA.- CRÉDITO ORZAMENTARIO

A contía máxima destinada aos presentes premios é de 1.220 euros € (partida 334.481 do Estado de Gastos do Municipal).

SEXTA.- PREMIOS

Haberá tres premios (primeiro, segundo e terceiro) por curso para cada un dos concursos.

Os premios consistirán en lotes de libros ou material escolar. O xurado poderá deixar deserto calquera dos premios, se así o considera oportuno. O orzamento total destinado ao presentes premios poderá ser dividido entre os resto de premios no caso de que algunha catedoría quedara deserta co que o importe de cada lote de premios será variable en función do número de participantes.

Os traballos premiados poderán ser utilizados polo Concello na realización de publicacións, promocións ou outros. Neste caso, o Concello estará obrigado a que o nome do autor/a do traballo figure nun lugar visible da publicación.

De acordo co RD 439/2007, de 30 de marzo, polo que se aproba o Regulamento do Imposto sobre a Renta das Persoas Físicas, non están suxeitos a retención ningún dos anteriores premios.

SÉTIMA.- PROCEDIMENTO DE ENTREGA DE PREMIOS

Unha vez rematado o prazo de entrega de postais, o xurado reunirse e levantará acta na que consten os premiados por orde decrecente e por categorías.

Sobre a acta do xurado, emitirase informe-proposta polo Técnico Municipal de Cultura, que se elevará á Alcaldía-Presidencia, órgano competente para a concesión dos premios.

Pola súa consideración de premio en especie, o establecemento ou establecementos comerciais nos que se adquiran os lotes de libros ou material escolar, deberá emitir factura a nome do beneficiario do premio ou do seu titor legal. Non obstante dita factura será abonada polo Concello.

OITAVA.- PROTECCIÓN DE DATOS DE CARÁCTER PERSOAL

A presentación da ficha de inscrición supón a aceptación incondicional das presentes bases e das condicións, requisitos e obrigas contidas nestas.

A concorrencia ao proceso de concesión de subvencións implicará a manifestación tácita do consentimento inequívoco ao tratamento de datos de carácter persoal e a súa publicación de acordo co previsto na Lei Orgánica 15/99, de 13 de decembro, de Protección de datos de carácter persoal. A finalidade da recollida e tratamento dos datos persoais será estrutamente á xestión e tramitación do expediente correspondente.

DISPOSICIÓN FINAL

As presentes Bases permanecerán en vigor para os vindeiros exercicios en tanto en canto non se acorde a súa modificación ou derogación expresas.

Decreto de Alcaldía de 8 de abril de 2016